

**24 SEPTEMBRIE**  
**RUGACIUNEA 3**  
**SF. CUVIOS**  
**SILUAN ANTONOV**  
**DE LA SF. PANTELIMON-ATHOS**

**Моли́тва**

О предивный уго́днице Бо́жий, о́тче Силуа́не, преподо́бных оте́ц Афо́нских похва́ло и украше́ние! Услы́ши на́с, моля́щихся тебе́, покрый и заступи́ все́х подвижа́ющихся во оби́тели свята́го великомученика Пантелеймо́на от всяких бе́д и печа́лей, помози́ уста́вы преподо́бных оте́ц Афо́нских непоколебимы́ сохра́нити, изба́ви на́с от паде́ний грехо́вных, да́руй на́м ду́х сокруше́ния и смире́ния, наста́ви на исполне́ние обе́тов ино́ческих и все́х за́поведей Бо́жих. Научи́ на́с шествова́ти ко спасе́нию путе́м смиренна́го пла́ча, пока́яния и послуша́ния, пребу́ди неотсту́пно с на́ми, наста́вляя на́с на и́стину Христо́ву. Стено́ю моли́тв твои́х огради́ оби́тель сию́, все́х живу́щих и подвижа́ющихся в не́й и все́х на покло́нение в ню́ приходя́щих; во бра́тии ми́р и любо́вь

соблюди́, осени́ покрóвом твои́м строи́телей,  
благотвори́телей и благоукра́сителей ея́. Умоли́  
Небе́сную Игу́мению Афо́на Преблагослове́нную  
Влады́чицу Богоро́дицу, да сподо́бимся сконча́ти  
жити́е на́ше в стена́х оби́тели, в не́йже ты́  
подвиза́лся еси́, и в Небе́сныя оби́тели  
пресели́тися, иде́же восхва́лим с тобо́ю и все́ми  
преподо́бными, на Святе́й Горé в по́двизех  
просия́вшими, еди́наго в Трои́це сла́вимаго  
Бо́га, Отца́, и Сы́на, и Свята́го Ду́ха, ны́не и  
при́сно и во ве́ки веко́в. Ами́нь.